



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joan. Henrici Meibomii De Cervisiis potibusque &
ebriaminibus extra vinum aliis Commentarijs**

Meibom, Johann Heinrich

Helmeftadii, 1668

Sereniffimi Principi, Friderico Vlrico, Duci Brunfuicenfium ac
Lyneburgenfium, Cervisia Gardelegienfis S. P. D.

urn:nbn:de:hbz:466:1-10160

seriis, impetrasse creditus fuit. Vox autem CLEPIT in carmine, alludit ad nomen cervisiæ Helmestadiensis, quæ tenuior est.

SERENISSIMO PRINCIPI,
FRIDERICO VLRICO,
Duci Brunsvicensium ac Lynebur-
gensium,
CERVISIA GARDELEGIENSIS
S. P. D.

Illa ego Garlebia soboles spectabilis urbis,
A dulci nomen cui genitrice datum est:
Hei mihi! nunc viridi discedere cogor ab Elmo
Exul, & antiquos deseruisse lares:
Principis offensi iubet hoc sententia, quamvis
Me sceleris possit dicere nemo ream,
Plus satis affligor, dum coëtor prodigus unde
Subtrahit immodice debita farræ mihi.
Accedit violens auriga, mala alite mutans
Viles fontis aquas in geniale merum,
Tristior exilii tantis infamia damnis
Additur, & vulgi fabula fio nocens.
Parce precor misera, Princeps generose, nec audi
Illos, invidiam qui mihi forte parant.
Non sum ignota tibi; memini me sæpe rigasse
Labra tua, & grato rore levasse sitim.
Adde, quod est tellus isthac mihi patria, cunas
Qua dedit uxori & grata alimenta tua.
Hac si defuerint, poterint tamen esse, favorem
Qua mihi non dubium conciliare queant,
Me pariter laudant docti indoctiq;, nec ullus
Grator illorum prolnit ora liquor.

Si Bacchum terris negat inclementia cæli,
 Esse loco vini testibus hisce queo.
 Excitat in Venerem tardos eruca maritus,
 Ut medicus pleno prædicat ore chorus:
 Est eadem virtus in me quoq̃: potaq̃ large
 Efficio fortes, prolificosq̃ mares.
 Hanc mihi matronæ laudem dant iure, negantq̃
 Se zytho aut posse aut velle carere meo.
 Exule me sobolis tota proventus in urbe
 Postmodum erit multo, quam fuit ante, minor.
 Sentiet id Superum clamorosus in aede minister,
 Infantes sacro rarius amne levans.
 Quid facitis, dicet, cives? ego pignora vestra
 Frustra aveo sacri tingere fontis aqua.
 Semiviros video & iucundo in munere segnes,
 Qualis plebs olim Northusiana fuit.
 Sit procul, ô Superi, labes tam tristis ab Elmo,
 Nec sterilis dici mereat iste locus.
 Non gravat hac illos infamia, qui mea large
 Pocula nativo plena calore bibunt.
 Noxius est tenuis labens in viscera potus.
 Corporis is vires, robur & omne CLEPIT.
 Hinc olidi ructus, & flaccescentia membra:
 Turgidus hinc hydrops, & luis omne genus.
 Consule vernanti, Princeps animose, iuventæ:
 Nec patere ut tantis corruat illa malis.
 Cedere me hinc iussa multos discedere cernes:
 Tantus amor nostri, gratia tanta mihi.
 Exule me vates frigentia carmina pangent.
 Nequaquam damni res erit ista levis.
 Plura loqui vellem: digiti mærore vacillant,
 Hæc mihi! si frustra fat a inimica querar!

Ordo

*Ordo sacer Procerum , tibi qui deservit in aula
Guelfide , me novit non nisi vera loqui.*

*Vt Gosam laudent & pocula Cervestana ,
Non tamen elogio deteriore feror.*

In bonitate tua spes una atque unica nobis :

Illam hodie praestes , Dux generose , mihi.

Hinc tibi surget honos , hinc crescet adorea vivax :

Quam nulla ut ledat fors malefida , Vale.

**Sed de potibus hæc fruméntaceis , aliisque extra vinum in
usum venientibus , dixisse sufficiat.**

F I N I S.



S 2

LECTOR